

۱۶
۱۷
۱۸
۱۹
۲۰
۲۱
۲۲
۲۳
۲۴
۲۵
۲۶
۲۷
۲۸
۲۹
۳۰
۳۱
۳۲
۳۳
۳۴
۳۵
۳۶
۳۷
۳۸
۳۹
۴۰
۴۱
۴۲
۴۳
۴۴
۴۵
۴۶
۴۷
۴۸
۴۹
۵۰
۵۱
۵۲
۵۳
۵۴
۵۵
۵۶
۵۷
۵۸
۵۹
۶۰
۶۱
۶۲
۶۳
۶۴
۶۵
۶۶
۶۷
۶۸
۶۹
۷۰
۷۱
۷۲
۷۳
۷۴
۷۵
۷۶
۷۷
۷۸
۷۹
۸۰
۸۱
۸۲
۸۳
۸۴
۸۵
۸۶
۸۷
۸۸
۸۹
۹۰
۹۱
۹۲
۹۳
۹۴
۹۵
۹۶
۹۷
۹۸
۹۹
۱۰۰

۱۰۱

۱۰۲

۱۰۳
۱۰۴

۱۵ = ۷

۴۰

زبدۃ نایب المصنفین

کتاب ابتدائیه تدریس اولفقی اوزره ترتیب التعلیم و معارف نظارت
جلیه سنک معرفتیه قله آلتان یکدیروغرامه قبول ایدلشدو.

—

تر

۲۲۹۰

مکتب حقوق شاهانه تاریخ عمومی و حقوق سیاسیه معلی

ابراهیم حقی

—

۹۰

نظارت جلیه سنک ۶۴۸ نومردلی و فی ۱۰ تصویب ثانی
سنه ۲۲۰ تاریخلو رخصتنامه سیه طبع اولمشدر

—

استانبول

(قره بت) مطبعه سی — باب عالی جاده سنده

۱۳۲۴

زبدۃ النایح

مکاتب ابتدائیه تدریس اولفق اوزره ترتیب اولمش و معارف نظارت
جلیه سنک معرفتیه قله آلمان یکی پروگرامه قبول ابدلشد.



اثر

مکتب حقوق شاهانه تاریخ عمومی و حقوق سیاسیه معلمی

ابراهیم حق



معارف نظارت جلیه سنک ۶۴۸ نومرولی و فی ۱۰ تشرین ثانی
سنه ۳۲۰ تاریخلو رخصتنامه سیه طبع اولمشدر



استانبول

(قره بت) مطبعه سی — باب عالی جاده سنده

۱۳۲۴

۱۳۲۱
 ۲
 تم
 بخشی
 ۱۹۵۹

دولت عثمانیه نك تشكندن انقره وقعه سنه ۱۲۸۰

(۸۰۴ - ۶۹۹ - ۶۲۸)

- ۱ -

عثمانلیلرک ظهوری

عثمانلیلرک جدی ترك قبیله لرندن قای خان
 قبیله سیدر . قای خانلیلر او وقت بر جوق یرلری
 ضبط و خراب ایلدن تانارلره تابع اولمق ایستیه رک
 کردستان طرفلرینه کلمش لر واوراده برمدت قالدقدن
 صکره ینه خراسان طرفنه دونمک اوزره چیمه مشلر .
 دی . فقط جعفر قلعه سی جوارنده فرات نه رینی
 کچرکن ریسلری بولسان سلیمان شاه بن قیا آلب

قضاء نهره دوشوب وفات ایلمکله عشیرت ایکی
قسمه بولونوب بر قسمی یولنه دوام ایلدی . و بر
قسمیده سلیمان شاهک اوغللرندن ارطغرل و دوندار
بکارک معیتندۀ اوله رق ارضروم طرفلرینه
دوندی . ۶۲۷۰ .

اوزمان ایرانده حکومت ایدن تاتارلرایله قونیهدمه کی
سلجوقی پادشاهی علاءالدین آره سنده محاربه اولوب
ارطغرل بک قبیله سیله یایلارده کزرکن ایکی محارب
اردویه راست کلدی و بونلرک کیم اولدقلرینی ییلمدیکی
حالدۀ قهرمانلغی مقتضاسی اوله رق مغلوب اولان
طرفه معاونت ایدوب محاربه یی قزانیدردی و بو
صورتله ارطغرلک لطفی کورمش اولان سلطان
علاءالدینده مکافات اوله رق بروسه طرفلرنده کی
طومانلیج طاغلریله سکود و اسکیشهر اووالرینی

ارطغرل غازی به یایلاق و قشلاق اوله رق و یردی.
 ایشته بوصورتله دولت سلجوقیه به تابع اولمق
 اوزره طومانلیج ، سکود واسکیشهرده تأسیس
 اولنان بکک دولت عثمانیه نک اساسیدر وارطغرل
 غازیده عثمانلی پادشاهلرینک جد اعلا سیدر .

— ۲ —

ارطغرل غازی

ارطغرل غازی ۶۸۰ سنه سنه قدر اللی درت سنه
 قبیله سنی اداره ایدوب جوارده کی روم تکفورلریله
 بعض محاربه لرده بولندی ارطغرل غازی نک وفاتنده
 سکودده دنیا به کلن اوغلی عثمان بک یرینه کچدی.

— ۳ —

برنجی پادشاه عثمان غازی بن ارطغرل غازی
 عثمان غازی بودولتک اصل مؤسی عد اولندیغندن

اوشرفلی نامی دولت و ملتزمه علم* اولمشدر . امیر
اولور اولمز جوارده کی تکفور لرله محاربه لره
باشلا یوب ۶۸۵ سنه سنده روملردن قره حصار
شهرینی آلمسی اوزرینه قونیه سلطانی طرفندن
کندیسنه بکاک علامتی اولان طاوول و سنجاق
کوندرلمش و عثمانلی امارتی هرکسجه طانمشدر .

عثمان غازی پیدرپی جوارده اولان بر چوق
یرلری روملردن فتح ایدوب قوت و قدرتی کوندن
کونه آرتقمده ایدی . او وقت ۶۹۹ سنه سنده روم
دولت سلجوقیه سی منقرض اولدی . عثمان غازی
قره حصارده نامنه خطبه او قوتمغله بو تاریخ
دولتمزک استقلالی تاریخی صایلور .

عثمان غازینک وفاتی سنه سنده بروسه شهری

علم : لقب ، عنوان . — تکفورلر : او وقت حدود اوزرنده
بولان روم بکری .

عثمانیلر طرفندن فتح ایدلدی ایسه ده بو فتحی
کوره میوب وصیتی اوزره بروسه ده دفن اولندی
جسور قهرماز، غیور * عادل بر پادشاه ایدی .

— ۴ —

ایکنجی پادشاه اورخان غازی بن عثمان غازی
عثمان غازینک وفاتنده کوچک اوغلی و بروسه
فاتحی اورخان غازی پادشاه اولوب 'بیوک برادری
علاءالدین پاشا وزیر اولدی .

اورخان غازی فتوحاته دوام ایده رک ازمیدی
و مالتیه قدر استانبول جوارینی فتح ایتدی
و براز مسکوره ده سلچوق دولتی یرینه کچن ترک
بکرندن قره سی بکلیکی دولتمز انه کچدی .

مسکوره و سکیه و قیافتلره دائر نظاملر یاپلدی

غیور : غیرتلی ، جالشقان .

ویکیچری نام پیاده عسکر یله سپاهی نام سوار ی
عسکری ترتیب ایدلدی اوروپاده اک اول نظام
عسکری یایان دولت مز اولدی .

علاءالدین پاشانک وفاتندن مکره بیواک شهزاده
سلیمان پاشا وزیر اولدی سلیمان پاشا ۷۵۸ سنه سنده
بر طاقم عثمانلیر ایلہ قرق کشی اولدقلری حالده
چناق قلعه بوغازندن صالار ایلہ روم ایل طرفنه
کچدیلر وایرتسی سنه ده کلیبولی و سائر قلعه لری
فتح ایلدیلر سه ده سلیمان پاشا آت قوشدیر رکن
براغاجه چارپوب وفات ایلدیکندن اورخان غازیده
کدرندن ۸۶۰ تاریخنده وفات ایتدی .

— ۵ —

اوچنجی پادشاه مراد خداوندکار غازی بن

اورخان غازی

خداوندکار حضرتلری ابتدای جلوسنده فساد

ایدن اخی قیله سنه حدینی بیلدیروب اناتولیده
انقره شهرینی بونلرن آلدی و صکره روم ایلی یه
کچهرک ادرنه شهرینی ضبط و پایتخت ایتدی .

خداوندکار غازی نیک چوق زمانی محاربه ایله
کچوب حاجی ایل بک ، لالا شاهین پاشا نیک و اورنوس
بک کی امرا هم تیله مجار و صرب و بلغار و اولاحر
مغلوب ایدیلهرک روم ایلی نیک قسم اعظمی آلدی
و ۷۹۰ سنه سنده بلغارستانده عثمانلی ملکی اولدی
اناتولیده ده ترک بک لرینک و هله قونیه ده حکومت
ایدن قره مان اوغل لرینک فسادلری تسکین ایدیلوب
بعضی یرلرده آلدی مراد غازی نیک بوقدر فتوحاتی
اوروپاده چوق تلاشی موجب اولدیغندن فرنکلر
اتفاق ایتمشر و صرب اردوسیله برلشهرک غوغایه
جسارت ایلمشلردی دشمنلر قوصوه محاربه سنده

کاملاً پریشان ایدلدی ایسه ده سلطان مراد
خداوندکارک او اثناده وفاتی غلبه سونجنه بیوک
برکدر قارشیدردی .

پدری کبی عدالتی مرحمتی و غایت جسور بر
پادشاه ایدی .

- ۶ -

دردنجی پادشاه یلدیرم سلطان بایزید خان بن
خداوندکار غازی

خداوندکار غازی ک بیوک اوغلی بایزید غازی به
قوصوه محاربه سی میداننده بیعت ایدلدی مذکور
محاربه ده صرب قرالی لازار مقتول اولدیغندن
یرینه کچن اوغلی دولتمزه ویرکو ویرمکی قبول
ایتدی .

اناطولیده کی بکدر عثمانلی دواتنک اقبالنی

چکه مدکلرندن دائماً ال آلتندن فساد ایدیورلردی
و خصوصیه قره مان اوغلری قباحتری عفو
ایدلیکنی کوردکجه شیماریورلردی بایزید حضرتلری
بونلرک تادیبنه کوره صاروخان، آیدین، منتشا
اوغلرینک ملککارینی آلدی و صکره اولاح اوزرینه
یورویوب اولاحیلره خراجی * قبول ایتدیردی
اناطولییه عودتنده قره مان طوپراغی ده عثمانلی
ملکنه قاتلدی .

عثمانلیلرک روم ایلیدن مجارستانه قدرکدکلرینی
و روم ایمپراطورینی خراجہ کسدکلرینی گوردن
فرنکلر تلاش ایدهرک بیوک براردو ایله نیکبولییه
قدرکملشردی فقط یلدیرم بایزید یتشه رک بونلری
مغلوب و پریشان ایلدی بوندن صکره سلطان
بایزید موره وسلانیک طرفلرینی فتح واستانبولی

خراج : رعیتی قبول ایدنلرک ویردکلری ویرکو .

محاصره وانا طولی حصارینی بنا ایدهرک فتوحاتی
اکمال ایلمک اوزره ایکن تیمور غائله سی باش
کوستردی .

تیمورلنک آسیای وسطی ده ظهور ایدن تاتار
پادشاهلرندن اولوب پک چوق یرلری ضبط ایدهرک
دولت عثمانیه اوزرینه ده هجوم ایلمشیدی سلطان
بایزید بو یئکی دشمن ایله انقره ده محاربه ایلدی
ویاننده کی یکی آلدینی یرلرک عساکری تیمور
اردوسنده کی بکلرک یاننه فرار ایلمرله مغلوب
واسیر اولدی و ۸۰۵ سنه سنده وفات ایتدی .

پک جسور بر پادشاه اولوب ملکک بر طرفنده
ایکن اومولمدق زمانده دیگر طرفه همان یتشدیکی
ایچون یلدیرم نامی ایله مشهور اولمشدر .

عثمانلیر هانکی قبیله دندر ؟ سلیمان شاه زرده وفات ایتدی ؟
ارطغرل غازی کیملره یاردم ایتدی و نتیجه سی نه اولدی ؟

دولت عثمانیه نك اساسی نه در ؟ ارطغرل غازی نه یابدی ؟ عثمان
 غازی زره لری آلدی و امارت کندیسنه نه دن طو لای توجیه ایدلدی ؟
 بروسه نه وقت فتح اولدی ؟ اورخان غازی زره لری فتح
 ایتدی ؟ وزیر ی کیم ایدی ؟ نه یه دائر نظاملر یاپلدی ؟ روم
 ایلی به نصل کچدی ؟ اورخان غازی دن صکره کیم پادشاه اولدی ؟
 خداوندکار غازی کیم لرله محاربه و زره لری فتح ایددی ؟ سلطان
 بایزید زره ده جلوس ایتدی ؟ لقبی نه در ؟ فتوحانی زره لریدر ؟
 نیکبولی محاربه سی کیم لرله در ؟ تیمور انك کیمدر و دولت مزله
 نه مناسباتده بولنمشدر ؟ سلطان بایزید انقره ده نیچون مغلوب
 اولدی ؟ یلدریم عنوانی نصل آلدی ؟ هانکی تاریخده
 وفات ایتدی ؟



ایکینجی قس

انقره وقعه سندن قسطنطینیہ فتحه قدر

(۸۵۷ — ۸۰۴)

— ۱ —

فاصله * سلطنت دوری

یلدیرم سلطان بایزیدک وفاتنده بیوک اوغلی
سلیمان چلبی بروسه ده تخته چیقارق ادرنه یه کیدوب
حکومت ایلدیسه ده کوچک قرداشلری بونی قبول
ایتمیوب هربری بریرده حکومته باشلادی شهزاده
عیسی چلبی بروسه ده و محمد چلبی آماسیه ده و سلیمان
چلبی نک وفاتنی متعاقب موسی چلبی ده ادرنه ده
حکومت ایلدیلر بو صورتله اون بر سنه مدت

فاصله : کسکک ، انقطاع .

دولتده تفرقه کورلدیکنندن بو دوره فاصله
سلطنت دوری دیرلر نهایت ۸۱۶ تاریخنده محمد
چلبی رسماً ادرنده جلوس ایددرک عہدومک
پادشاهی اولدی .

— ۲ —

بشنجی پادشاه چلبی سلطان محمد بن یلدریم
سلطان بایزید خان

چلبی سلطان محمد خان یالکیز سکزنسہ حکومت
ایدوب پک کنج یاشنده نزول اصابتیلہ وفات
ایلدیسہده بو قدر آز وقتده اسکی قوتی یرینه
کتیردیکنندن دولتمزک ایکنجی بانی و مؤسسہ
عد اولنور . زماننده داخلی قاریشقلقلر دوزہلوب
جنید بک و بدرالدین و طورلاق کمال و دوزمہ
مصطفی کبی فسده نک وجودلری قالدیرلدی
واولاحلیلرلہ قرہمان و اسفندیار بکارینک حدلری

بای : بنا ایدن . فسده : فاسدلر .

بیلدیرلدی بو پادشاهك سـكـز سـنـه ایچـنـدـه کی
موفقیترلله نقدر بیوک بر حکمدار اولدینی میدانه
چیقدی .

— ۳ —

التنجی پادشاه سلطان مراد خان بن چلبی
سلطان محمد خان

سلطان مراد ثانی اون سکز یاشنده جلوس
ایتدی پدرینک وفاتنده مغنیدسا والیلکنده ایدی
سلطان مشارالیه اولادخلده کی عاصیلری تربیه
ایدرك اورتهلغی یولنه قودی دولتک لطفنه قارشو
دائما نانکورلق ایدن قره مان اوغلرله سائر بعض
اناطولی بکارینی تربیه ایتدی استانبولی محاصره
ایله ایمپراطوری ویرکویه باغلادی و ندیکولردن
سلانیک شهرینی آلدی و آرناوودلق طرفلرینی
وصربستانده سمندره قلعه سنی دخی فتح ایتدی .

فقط او صروده مجارستانده یانی هونیاد اسمنده
 جسور بر قوماندان چیقارق عثمانیلیری مغلوب
 ایتدی و بالقانلره قدرکلدی سلطان مراد ثانی دخی
 بتمك توكنمك بیلمیان غائله لردن اوصانوب مجارلرله
 اوز سنه منتهله بر صلح امضالقدن صکره ترك
 سلطنت ایدرك دولتی اوغلی سلطان محمد براقدی.
 حضرت پادشاهك مغنیسیایه چکلمسنی متعاقب
 دشمنلرمن صاحی بوزارق روم ایلی یه کلدکلرندن
 سلطان مراد ثانی عودت ایدوب وارنده ده دشمنی
 فناحاله بوزدی و تکرار جلوس ایدرك آرن اوودلقده
 دولته اهانت ایله عصیان چیقاران اسکندر بك
 ایله محاربه ویانی هونیادی قوصوده فنا حاله
 مغلوب ایلدکدن صکره { ۸۵۲ } هجرتك ۸۵۵
 تاریخنده وفاتی وقوع بوله رق اوغلی سلطان

محمد ثانی ایکنجی دفعه اوله رق پادشاه عثمانی
اولدی .

— ۴ —

یدنجی پادشاه فاتح سلطان محمد خان ثانی
بن سلطان مراد خان ثانی

سلطان محمد خان ثانی حضر تلرینک کوچکلیکندن
برو تحصیله و باخصوص فن تاریخه چوق مراقی
اولدیغندن قره مان بکرینک دولته ایتدکلی
فنالن آکلامش و کرک قره مان بکلکلی و کرک
قسطنطینیہ * ایمپراطورلغنی قالدیرمغه قرار ویر-
مشدی ابتدای جلوسنده قره مان اوزرینه کیدلدی
ایسه ده ایمپراطور اولیه جق شیر ایستمکه
قالقشدیغندن استانبولک محاصره سی تدارکنه
باشلاندى .

قسطنطنیہ شہری او وقت مستحکم اولوب
محاصره دن بشقه صورتله آله مزدی . آناتولی
حصارینک قارشوسنه روم ایلی حصاری یاپدیریلوب
بوغاز قیادلدی بر مجاری مهندس واسطه سیله
او وقتہ قدر امشالی کورلماش بیوک محاصره
طوپلری دوکدیرلدی وایکی یوز بیکنن زیاده
عسکرله شهرک اطرافی قوشادلدی غلطه دن سرای
بروننه قدر لیمانک آغزی بر زنجیر ایله قیامش
اولدیغندن حضرت فاتح بر طاقم حرب کمیلرینی
قزاقلرله طولہ باغچه صرتندن قاسم پاشا طرفنه
ایندیرتدک دونمـامن لیمانه کیردی والحاصل
فوق العاده غیرتله محاصره نک الی اوچنجی کونی
حالا دولتمزک پایتختی اولان بو بیوک شهرک فتحی
میسر اولدی ۱۸۵۷ .

ییلدیرم سلطان یایزیدک وفاتندن صکره نه اولدی ؟ فاصله
سلطنت نیه دینلدی ؟ چلبی سلطان محمد نقدر حکومت ایتدی
ونه لره موفق اولدی ؟ سلطان مراد ثانی زره لری فتح ایلدی ؟
یانی هونیاد کیمدر و دولتمزه قارشو نه یامشدر ؟ سلطان محمدک
ایلك جلوسی فصل اولدی ؟ وارنه و قوصوه محاربه لرینی کیم
قزاندی ؟ سلطان مراد ثانی نه وقت وفات ایتدی ؟ فاتح سلطان
محمدک آرزوسی نه ایدی ؟ قسطنطنیه فصل فتح اولندی ؟

اوچىنىقىم

استانبولك فتحندن صوقوللىك وفاتنه قدر

(۸۵۷ — ۹۷۸)

— ۱ —

فاتح* سلطان محمد خان دورى بقیه سی

فاتح سلطان محمد خان استانبولی پایتخت

ایدرک اداره سنی یولنه قویدقدن صکره دها اوتوز

سنه مدت پادشاهلق ابتدی و بر دقیقه راحت

یوزی کورمیه رک فتحندن فتحه یورودی روم

ایلیده کاملاً صربستانی بوسنه وهرسکی و آرنه

وودلنی و مورهبی ضبط ایدرک اولاح و بغدادانی

خراجه باغلادی و یالکز بلغراد قلعه سنی یانی

هونیاد ابی مدافعه ایلیدیکندن اوراسنی آلامدی .

حضرت فاتح اناطولیده قره مان بکلکنی

فاتح : ضبط ، فتح ایدن .

قالدیروب طربزوننده کی روم ایمپراطورلغی مملکتی
دخی آلدی و اوزون حسن نامنده بر ترک بکینک
النده اولان ارضروم طرفلرینی و فرنگلر النده کی
اماصره لیمانی فتح ایلدی و قریبده کی تانار خانلریده
کندیسنه تابع اولدیلر .

ردوسده کی فرنگ قوالیه لرلی مسلمانلره
چوق راحتسزلق ویردکلرندز فاتح حضرتلری
اورایه ده عسکر کوندردی و کندیسی ایتالیا
اوزرینه یورومک ایسترن وفانی وقوع بولدی .
عثمانلی پادشاهلرینک اک بیوکلرندندر .

- ۲ -

سکزنجی پادشاه ایکنجی سلطان بایزید بن
سلطان محمد خان

ایکنجی سلطان بایزیدک اوتوز ایکی سنه

سورن سلطنتی زمانی محاربه ایچنده کچمیوب چوق
وقتارنده صلح جاری اولدی .

بو دورده مجارستانه آقجیلر • کوندرلدی
و آرناووداق قی سنده کی بار و سائر قلعه لر و موردده
بعض یرلر و ندیکیلردن آلندی و بغدادده کیلیا
قلعه سی ضبط اولندی و کمال رئیسک قومانداسنده
اولان عثمانلی دونماسی آق دکزده چوق ایش
کوردی ایرانده شاه اسماعیل صفوی پادشاه
اولوب شیعه مذهبنی چیقاردی و بو وجهله فساد
چو غالب سلطان بایزید سلطنتی کوچک اوغلی
سلطان سلیمه براقه رق دیمتوقه یه کیدرکن یولده
ارتحالی • وقوع بولدی .

آقجیلر : دشمن مملکتی ینمایه کیدن خفیف سواری
عسکرلری . — ارتحال : وفات .

- ۳ -

طقوزنجی پادشاه یاوز سلطان سلیم بن سلطان
بایزید ثانی

سلطان سلیم حضرتلری فاتح سلطان محمد خان
ایله برابر اک بیوک پادشاهلر مزدندر وشدته مبنی
یاوز نامیله مشهوردر .

سلطان سلیم اولای ایران غائله سنی بتیرمک
ایستیوب داخلده قرق بیک شیعی بی قتل ایتدیره رک
فسادک اوکنی آلدقن صکره شاه اسماعیل ایله
محاربه ایلدی و ۹۲۰ سنه سنده چالديران اووه سنده
عجملری مغلوب ایدوب موصل و دیاربکر و وان
و ماردین طرفلرینی و تبریزه قدر اولان یرلری
ضبط ایتدی .

بو محاربه ده ایرانہ طرفدارلق کوسترن واطنہ
 و مرعش طرفلرنده حکومت ایدن ذوالقدریہ
 و رمضان اوغللری ممالکیده فتح ایدلدی .
 مصرده کی چرکس کوله منلرده سلطان سلیمہ
 دشمنلک کوسترکلرندن حضرت پادشاه اولرکده
 اوزرلرینه کیتدی و حلب جوارنده مرج دابق
 محاربه سنده مصر سلطان قانصو غاوری پی مغلوب
 و مقتول ایدرک حلب و شام و قدس شریفی آلدی
 و مصره کیدوب یکی مصر سلطانی طومانبای ده
 قاهره جوارنده پریشار ایلدکدن صکره بتون
 مصر دولتمزک ملکی اولدی بوسره ده جزائرده
 بکلک قورمش اولان خیرالدین رئیس دولتمزه تابع
 اولدی مشارالیه قورصانلقدن یتشمه مشهور
 کمیجی اولدیغندن دونمائمزک قوتی آرتدی .

قورصانلق : دکز حیدودانی.

مصرده کی عباسی خلیفه سی اوچنجی متوکل
 علی الله خلافت اسلامیه بی سلطان سلیمه ترک
 ایلمکله پادشاهلر من بالجمله اسلامک خلیفه سی
 اولدیلر و شریف مکه سلطان سلیمه اطاعتله امانات
 شریفه* بی تسلیم ایلدیکندن بعدما استانبول
 اسلامک مرکزی اولدی .

سلطان سلیمک سکن سنه ظرفنده کی شو
 فتوحاتنه نظراً دها بر چوق موفقیتلری مأمول
 ایدی فقط عمرلری وفا ایلمیوب شیر پنجه دن وفاتی
 دولتمزی بویله بر بیوک پادشاه دن محروم براقدی .

— ۴ —

اونجی پادشاه سلطان سلیمان خان بن
 سلطان سلیم خان

سلطان سلیمان ابتدای جلوسنده مجارلردن

امانات شریفه : خرقة شریف ولوای شریف وسائرہ .

بلغراد قلعه سنی و فرنك شوالیه لر نندن ده ردوس
اطه سنی فتح ایدرك حضرت فاتحك فتوحاتی
تماملادی محارباتی پك چوق اولوب اون اوج دفعه
بالذات سفره چیقدی و قرق سکز سنه سورن
زماننده چوق یرلر الندی .

آلمایا ایمپراطوری بشنجی شارل ایله فرانسه قرالی
فرانسوا آره سنده بیوک محاربه اولدیغندن سلطان
سلیمان فرانسه یه یاردم ایچون مجارستانه کیردی
و مهاج محاربه سنده مجارلره غلبه ایدرك بودین
و پشته شهرلرینه قدر مجارستانی آلدی و ویانه یی
بیله محاصره ایلدی مشهور بارباروس خیرالدین پاشا
و طورغود پاشا کی قهرمانلر اداره سنده اولان
عثمانی دونماسی بحر سفیدك حاکمی اولدی و تونس
و طرابلس غرب ضبط ایدلدی .

ایران ایله محاربه اولنوب بغداد و بتلیس و درسم

طرفلری آلودی و بر طرفدن بصره و بر طرفدن
 بمن طرفلری ضبط ایدیلهدک بیوک بر عثمانلی
 دونماسی هندستانه قدر کیتدی .

بو غیرتلی پادشاه یتیمش ایکی یاشنه کلشکن ینه
 مسلمانلغه خدمتدن خالی قالمیوب مجارستانده کی
 سکتوار قلعه سنی محاصره یه کیتمشدی اوراده
 وفاتی وقوع بولدی ایسه ده قلعه فتح اولندی .

— ۵ —

اون برنجی پادشاه سلطان سلیم ثانی
 بن سلطان سلیمان قانونی

صاری سلطان سلیم نامیله مشهوردر زماننده
 یمنک فتحی اکمال ایدلمش و قبریس اطه سی فتح
 اولنوب پیری رئیس قومانده سنده کی عثمانلی
 دونماسی بحر محیط هندیده اجرای حکم ایتشدر .

صدر اعظم صوقوللی محمد پاشانک درایتی سایه .
 سنده سلطان سلیمان زمانی ترتیبی بوزلامشدر .
 حق فرنکر اینه بختی کورفرزنده عثمانلی دونماسنی
 خراب ایتمشلرکن ایرتسی سنه دها بیوک بر دونما
 یاپیلارق اوروپا قورقو ایچنده براغلمشدر .

— ۶ —

اون ایکنجی پادشاه سلطان مراد ثالث
 بن سلطان سلیم ثانی

سلطان مراد ثالثک ایلك زمانلری صوقوللی
 پاشانک درایتی و غیرتی سایه سنده پک پارلاق
 بر صورتده کچدی و کورجستانده ویمنده بر طاقم
 یرلر آلندی ۹۸۷ سنه سنده بو صدر اعظمک
 وفاتی اوزرینه ایشلر بوزلدی .

سلطان فاتح استانبول فتحندن صکره دها قدر حکومت
 ایتدی ؟ زره لری فتح ایتدی ؟ زره لری آلفه موفق اوله مدی ؟
 نوقت وفات ایتدی ؟ سلطان بایزید قدر پادشاهلق ایلدی ؟
 سلطان بایزید وقتنده زره لر آلدی ؟ سلطان سلیم اولک
 عنوانی ندر ؟ ایراندن زره لری آلمش وهانکی محاربه بی قزاقمشر ؟
 اطنه و مرعش طرفلری کیملردن آلمشدر ؟ مصر سلطانلریله
 نیچون محاربه ایتدی و زره لری فتح ایلدی ؟ خیرالدین رئیس
 کیم ایدی و نه یایدی ؟ خلافت اسلامیه سلطان سلیمه فصل
 انتقال ایلدی ؟ ندن وفات ایلدی ؟ سلطان سلیمان قدر سلطنت
 ایلمشدر ؟ قاج سفری واردر ؟ اولا زره لری فتح ایلدی ؟
 اوروپاده کیمه یاردم ایتدی ؟ مجارستانده زره لری آلدی ؟
 ایراندن زره لری آلدی ؟ عربستانده فتوحاتی زره لریدر ؟ زره ده
 وفات ایلدی ؟ زماننده عثمانلی دونماسی نه لره موفق اولدی ؟
 ایکنجی سلطان سلیم زماننده زره لر فتح اولندی ؟ اینه بنجی
 محاربه سنده نه اولدی ؟ صوقوللی محمد پاشا کیمدر ؟ سلطان
 مراد ثالث دورینک ابتدای وقوعاتی ندر ؟ صوقوللی نصل
 وفات ایتدی ؟



دردنجی ق

صوقوللی نك وفاتندن كو بر لی محمد پاشاك صدارتنه قدر

(۹۸۷ ۱۰۶۵)

- ۱ -

سلطان مراد ثالث دوری بقیه سی

صوقوللی محمد پاشانك صدارتندن صكره
سلطان مراد ثالث اوز یدی سنه دها پادشاهلق
ایلدیسه ده اداره ده چوق فناقلر کورلدی بر
آرهلق یمن فاتحی سنان پاشاك یرینه کچن قهرمان
اوزدمیر اوغلی عثمان پاشا صدراتعظم اولدی .
کرك بونك وکرك خلقي * فرهاد پاشانك همتريله
ایرانه غلبه ایدلدی ايسه ده دولت نمسه ايله آچدینی
محاربه ده مغلوب اولدی سلطان مراد ثالثه بو
قارغشه لقلر آره سننده وفات ایلدی .

خلف : یرینه کچن .

- ۲ -

اون اوچنجی پادشاه سلطان محمد خان ثالث
بن سلطان مراد ثالث

اوچنجی سلطان محمدك زمانی پك قاریشقدی
اولا حلایلر عاصی اوله رق طونه اوزرنده کی قلعه لری
آلمشدر . قریم تاتارلری عصیان ایتمشدر ، عجملرده
تبریز شهرینی اله کچیرمشلردی اناطولیده جلالی
دنیلان اشقیا توره یوب چوق یرلره دولتک
حکمی کچمز اولمشدی . یکیچریلرک نظامی بوزو-
لدیفندن زیاره طاشقنلق ایدیورلردی نهمسه لیلرده
مجارستانه یوریورلردی .

سلطان محمد ثالث زوربارلی تپه لیوب جلالی
اشقیاسنی تربیه ایلدی ایسه ده اورته لق بسبتون
دوزلمدی حضرت پادشاه بیوک براردو ایله مجارستانه

کیروب دشمنلری کرسجه محاربه سنده یگدی
واکری قلعه سنی آلاق فاتح اکری نامیله مشهور
اولدی بو صرهدده پادشاه اوتوز یاشنده ایکن
وفات ایلدی .

— ۳ —

اون دردنجی پادشاه سلطان احمد خان
بن سلطان محمد ثالث

سلطان احمد خان کنجلیکیله برابر غیرتلی بر
پادشاه ایدی ویکچیری زوربارینی قورقوتدی .
طقسان یاشنده بولنان قویوجی مراد پاشا
اناطولیده کی جلالی اشقیاسنی تپهلدی و ایرانه
قارشوده خیلی موفقیت قزانلدی .

نمسه ایله محاربه ۱۰۲۱ تاریخنده ستواتوروک
معاهده سیله بتیرلدی و مجارستاندن بعض یرلر
نمسه ویرلدیکی کبی آلمان ویرکوده آلفز اولدی .

— ۴ —

اون بشنجی پادشاه سلطان مصطفی خان بن
سلطان محمد ثالث

بوزمانه قدر سلطنت بابادن اوغله قالیوردی
بودفعه سلطان احمدك بیوك شهزاده سی سلطان
عثمان پك کنج اولمغله جلوس ایتمیوب سلطان احمدك
کوچك برادری سلطان مصطفی جلوس ایلدی وبعدهما
موجود شهزاده لردن اکبر* وارشدك جلوس ایلمسی
عادت اولدی فقط سلطان مصطفی اوج آی صکره
حکومتدن چکیلوب سلطان عثمان تحتہ چیقیدی .

— ۵ —

اون التنجی پادشاه سلطان عثمان ثانی بن
سلطان احمد خان

سلطان عثمان حضر تلی چوجق ای دیسه ده

قهرمان اوغلی قهرمان ایدی بالذات اردو ایله کیدوب
 اولاحلری تربیه ایتدی و خوتین قلعه سنی آلاق
 لهیلره دخی دولتمزک قدرتی طانتدی فقط یکیچری
 زور بالرینی تربیه ایچون شدت کوسترمسی بونلرک
 سرکشلکارینی آرتدیروب درت سنه پادشاهلقدن
 صکره ارتحالی وقوع بولدی و سلطان مصطفی تکرار
 جلوس ایلدی سلطان عثمان شبابنه مبنی ناس آره
 سنده کنج عثمان نامیله مشهوردر .

— ۶ —

سلطان مصطفی نك ایکنجی دفعه سلطنتی
 سلطان مصطفی بودفعه بریچق سنه قدر حکومت
 ایتدی ایسه ده ایشلره باقیله مدیغندن دولتمزک حالی
 فناشدی و نهایت ینه گوشه استراحته چکیله رک
 سلطان احمدک ایکنجی شهزاده سی اولوب اون ایکی
 یاشنده بولنان سلطان مراد رابع تحتہ چیقارلدی .

— ۷ —

اون یدنجی پادشاه سلطان مراد رابع بن
سلطان احمد اول

سلطان مشارالیه یکرمی یاشنه کلنجه یه قدر
اسکی فناقلر دوام ایلدی ایسه ده صکره زوربالر ،
ولایتلرده تورهمیان عاصیلر تربیه ایدلدی
عجملرک تجاوزی آرتوب بغدادده ایران شاه
عباسک الله کچمشدی . سلطان مراد رابع ایکی
دفعه ایران اوزرینه کیدوب برمجیسنده آذربایجان
و روان ایکنجی دفعه ده ده بغدادی فتح ایلدی
و فاتح بغداد نامیله مشهور اولدی .

— ۸ —

اون سکیزنجی پادشاه سلطان ابراهیم بن
سلطان احمد خان

سلطان ابراهیمک والده سی ماه پیکر سلطان و نام

دیگر کوسهم والدہ نک تدبیریلہ دولتترلہ معاہدہ لر
یاپیلوب وندیکلورلر اندہ کی کرید آطہ سنہ دہ عسکر
کوندریلہ رک حانیہ قلعه سی آلمشدر .

— ۹ —

اوز طقوزنجی پادشاہ سلطان محمد رابع بن

سلطان ابراہیم خان

سلطان محمد رابع جلوسندہ یدی یاشندہ اولوب

قرق برسہ پادشاہلق ایتمش وآوجی سلطان محمد

نامیلہ مشہور اولمشدر اوللری بیوک والدہ ماہ پیکر

سلطانک تدبیری سایہ سندہ اورتہلق براز دوزلدی

ایسہ دہ کوپرلی محمد پاشانک صدارتنہ قدر یدی

سنہ مدت اولمدق فنالق قالمشدر.

صوقوللی محمد پاشانک وفاتندن صکره نه اولدی ؟ سلطان
محمد ثالث جلوسنده دولت نه حالده ایدی ؟ بو پادشاهه نیچون
اکری فاتحی دینلیدی ؟ سلطان احمد قاجنجی پادشاهدر ونقد-
سلطنت ایتمشدر ؟ قویوچی مراد پاشا نه یادی ؟ ستواتوروق
معااهده سی نصلدر ؟ سلطان مصطفی قاج کره جلوس ایتدی ؟
سلطان عثمان نه یادی ؟ سلطان مراد رابعک ایلک زمانلری
نصل کجیدی و صکره زره لری فتح ایتدی و شهرتی نه در ؟
کوسهم والده کیمدر ؟ کرید فتحی نوقت باشلادی ؟
سلطان ابراهیم زمانی نصل کجیدی ؟ سلطان محمد رابع قاج
یاشنده جلوس ایلدی ؟ کوپرلی محمد پاشانک صدارتنه قدر
نه اولدی ؟

بشجی م

کوپریلی محمد پاشانک صدرتندن سلطان سلیم ثالثک جلوسنه قدر

(۱۰۶۵ — ۱۲۰۳)

— ۱ —

دردنجی سلطان محمد خان دوری بقیه سی

آوجی سلطان محمد حضرتلرینک جلوسنده یدی
سنه صکره صدر اعظم اولان کوپریلی محمد پاشا
دولتمزک اک بیوک آدم لر نندندر آلتی سنه سـورن
صدارتنده زور بالری قور قوشمش، دونما ایله آق دکره
چیقوب بوزجه ولیمنی آطه لرینی آله رق ون دیکیلیری
یکمش، اولاح، بغداد و اردل بک لرینه حد لرینی
بیله یرمش وینه اناطولی یه یاییلان جلالیلری تپه لمشدر.
کوپریلی محمد پاشانک وفاتنده اوغلی فاضل احمد
پاشا وزیر اولوب اوز سکرته دولتی اداره ایتدی

و نمسه ایله محاربه ایدوب مظفرآ* اسویچره و فرانسه
 حدودنده سن غوتار طاغنه قدر ایلر ولدی برچوق
 زماندن بری محاصره ده اولان قندیه قلعه سنک فتحیله
 کرید و ندیکلیردن آلدیغی کبی روسیه نك جنو-
 بنده کی صاری قامش قزاقلریده دولتمزه تابع اولدیلر
 وله قرالی صوبیه سکی دن ده خیلی یرلر آلدی .

فاضل احمد پاشانك کنج یاشنده وفانی اوزرینه
 کوپرلی دامادی مرزیفونلی قره مصطفی پاشا وزیر
 اولدیه ده بو ذاتک ویانه شهرینی محاصره ایدرکن
 له قرالی صوبیه سکی نك هجومیه-له مغلوب اولسی
 برچوق موفقیتاتی محو ایتدی و دشمنلر هر طرفدن
 هجومه باشلایوب داخله ده قاریشقلق باش کوستر-
 مکله ۱۰۹۹ سنه-سندده دردنجی سلطان محمد ترک
 حکومت ایلدی .

مظفرآ : غالباً ، غلبه ایلدیکی . مظفر اولدینی حالد .

— ۲ —

یکرمنجی پادشاه ایکنجی سلطان سلیمان

بن سلطان ابراهیم خان

ویانه دن عثمانلیلرک مغلوب اولمسیله جسارتلنان
نمسه لیلر بلغراد و سمندره وودینی آله رق صوفیه یه
طوغری کلیورلردی وانا طولیده عاصیلر توره دی
کوپریلیلردن مصطفی پاشا وزیر اولوب ایشلری براز
یولنه قویدینی صره ده پادشاهک وفانی وقوع بولدی.

— ۳ —

یکرمی برنجی پادشاه ایکنجی سلطان احمد

بن سلطان ابراهیم خان

مدت سلطنتی درت سنه در . کوپریلی مصطفی
پاشا نمسه لیلری بلغراد قدر سورممشه ده اوراده
شهادتی وقوع بولمغله اردولر مینه مغلوب اولدی
وبوصره ده ساقز آطه سیده وندیکولره کچدی .

— ۴ —

یکرمی ایکنجی پادشاه ایکنجی سلطان مصطفی

بن سلطان محمد رابع

سلطان مصطفی بر قاج کره لر بالذات سفره
 چیقوب ایلک دفعه سنده ۵۰ بیک نفرلک بر اردو
 ایله نمسه لیلری لوغوس محاربه سنده پریشان ایتدی
 وایکنجی دفعه ده اولاش محاربه سنده له وساقسونیا
 اردولرینی مغلوب ایلدی ایسه ده بو صره ده آزاق
 قلعه سی روسیه ایمپراطوری دلی پترونک النیه
 کچدی . فقط یوز الی بیک کشیلک بر اردو ایله
 محاربه ستانده تیس نهرینی کچرکن زنته موقعنده
 نمسه لیلرله محاربه یه مجبور اولوب مغلوب اولدیغندن
 یینه دولتمز تهلیکه ده قالدی .

صدر اعظم اولان کوپرلی حسین پاشا بیوک
 بر اردو طویلا یوب نمسه لیلری طور دردقدن

صکریه قارلوفجه مصالحه سنی عقد ایلدی و دشمنلر-
 مزه بر خیلی یرلر و یریلوب او وقته قدر دولتمزه
 ویردکاری و یرکولر قالدیرلدی و مجارستانک قسم
 اعظمی الدن کیتدی .

کوپریلی حسین پاشا بر چوق اصلاحاته چالسه-
 رق ایشلری اپی یولنه قویدی ایسه ده وفاتی ینه
 قاریشقلنی اعاده ایلدی .

— ۵ —

یکرمی اوچنجی پادشاه اوچنجی سلطان

احمد بن سلطان محمد رابع

سلطان احمد زماننده اسوج قرالی تیمور باش
 اون ایکنجی شارلک تشویقیله روسیه دولتمه
 اعلان حرب ایدیلهرک صدر اعظم بالطه جی محمد
 پاشا دلی پتروپی پروت نهری کنارنده صیقهشدیروب

غوغا ایدلمدن معاهده اولندی و آزا ق قلعه سی
دولتمزه کری ویرلدی ،

وندیکه اعلان حرب ایدیلهرک برطاقم آطه لر
وموره فتح اولندی ایسه ده نمسه لیلر بونی بهانه ایدرک
محاربه واردولرمزه غلبه ایله دکلرندن مجارستاندن
المزده قالدان پارچه لرله بلغراد قلعه سی بونلره ویرلدی .
ایرانده نادر اسمنده بری حکمدار اولدیغندن ممالک
عثمانیه یه هجوم ایدهرک غلبه یه باشلادی و غائله آرتدی .

— ۶ —

یکرمی دردنجی پادشاه برنجی سلطان محمود

بن سلطان مصطفای ثانی

برنجی سلطان محمود مالیه ایشلرینی دوزلتمک

چوق چالشدی و یکرمی سنه سورن اداره سی
زماننده دولتک ایشلری پک یولنده کیتدی .

نادر شاهه غلبه ایدیلوب دردنجی سلطان مراد

زماننده کی حدود اعاده ایدلدی و روسیه لیلره
و نسه لیلره دخی غلبه ایدیلرک آزا ق قلعه سی
یقدیرلدی و بلغراد تکرار آلدی .

— ۷ —

یکرمی بشنجی پادشاه اوچنجی سلطان عثمان
بن سلطان مصطفای ثانی

زمانی صلح ایله کچوب نور عثمانیه جامع شریفی
اتمام ایلمشدر زماننده مشهور قوجه راغب پاشا
صدر اعظم اولمشدر .

— ۸ —

یکرمی التنجی پادشاه اوچنجی سلطان مصطفی
بن سلطان احمد ثالث

قوجه راغب پاشانک همتیه اوللری پک چوق
اصلاحاته موفق اولندی ایسه ده صکره روسیه
ایله محاربه ظهوری ایشلرک رنکفی دکشدیردی .

روسیه ایمپراطور پیچہ سی ایکنجی قاترینہ
 لهستانی ضبط ایتمکہ قالدش دیغندن لہیلری حمایہ
 ایچون اعلان حرب ایدلدی فقط مسقوف اردولری
 یکیچریلردن نظاملی اولمغله اردولرمز مغلوب
 اولوب دشمن بالقانلره قدر کلدی و مسقوف
 دونمائی چشمہ ده دونمائی یاقدی سلطان مصطفی
 بوکدرلر آره سنده وفات ایتدی .

— ۹ —

یکرمی یدنجی پادشاه برنجی سلطان عبدالحمید
 بن سلطان احمد ثالث

غائلہ لی بر زمانده تخته چیقان بو پادشاه غایت غیرتلی
 و حمیتلی ایدی روسیه ایله قاینارجه معاہدہ سی امضالندی
 و آزوف قلعه سیلہ قرہ دکزک شمالی ساحلی و طاغستان
 روسیه یه ترک اولنہ رق قریم خانلریده مستقل طانندی

حمایہ : قوربوق ، مدافعہ .

فقط قاترینه بر بهانه بوله رق قریمی ضبط ایلدیکندن
تکرار روسیه به اعلان حرب اولندی ایسه دهینه اردو-
لر مغلوب اولدی و اوستریاده محاربه به باشلایوب
حضرت پادشاهده بو غائله آره سننده وفات ایتدی .

کوپریلی محمد پاشا نه یامشدر ؟ فاضل احمد پاشا نه یامشدر ؟
مرزیفونلی مصطفی پاشا زرده مغلوب اولدی ؟ سلطان محمد
رابع نه ایچون ترك حکومت ایتدی ؟ سلطان سلیمان ثانی زمانی
نصل کجدی ؟ ایکنجی سلطان احمد زماننده نه اولدی ؟ ایکنجی
سلطان مصطفی نصل پادشاه ایدی ؟ نهمه لیلره و لهیلره زره لرده
غلبه ایتدی ؟ صکره زرده رکیمه مغلوب اولدی ؟ کوپریلی
حسین پاشا نه یابدی ؟ قارلوفه معاهده سی نصلدی ؟ اوچنجی
سلطان احمد دوری نصلدر ؟ روسیه محاربه سننده نه قزانلمشدر ؟
وندیکدن زره لری آلندی و نهمه زره لری ویرلدی ؟ نادر شاه
کیمدر و نه یابدی ؟ سلطان محمود اولک اخلاقی نصلدی و زماننده
کیملره غلبه ایدلدی ؟ اوچنجی سلطان عثمان زماننده نه اولدی ؟
قوجه راغب پاشا کیمدر و نه به چالشمشدر ؟ ایکنجی قاترینه کیمدر
و روسیه محاربه سی نصل اولدی ؟ سلطان مصطفی نه زمان وفات
ایلدی ؟ سلطان عبدالحمید اول زماننده نه اولدی ؟ قاینارجه
معاهده سی نصلدر ؟ روسیه و نهمه ایله محاربه ندن پاشلادی ؟

التبجی قسم

سلطان سلیم ثالث جلوسندن زمانمزه قدر

(۱۲۰۳ — ۱۲۷۸)

— ۱ —

یکرمی سکزنجی پادشاه اوچنجی سلطان سلیم
بن سلطان مصطفای ثالث

اوروپا دولتری یولنده اصلاحات اجراسنی التزام
ایدن بوحمیتلی پادشاهک جلوسی دولتمزده بردورجید
ترقی آچمش فقط بو اصلاحات افکارینک ثمراتی .
روسیه و اوستریا ایله محاربه برمدت دوام ایدوب
فرانسه ده بیوک قاریشقلق اولمسیله نمسه لیلر روسیه دن
آیریلوب بزمه صلح ایتدیلر روسلرده برخیلی
قلعه لری آلدقدن صکره انرله ده یاش معاهده سی

ثمرات : ثمره لر ، میوه لر .

امضالانوب اوزی صوبی یرینه طورله صوبی
حدود ایلدی .

روسیه لیلره قارشی اولان مغلوبیتلر یکیچری
عسکرندن خیر اولیه جغنی کوستردیکندن سلطان
سلیم نظام جدید نامیله براز تعلیمی عسکر یاعشدیکه
فرانسه قوماندانی جنرال ناپلئون بوناپارط مصری
آلوب عکا قلعه سنی محاصره ایلدیکی صره ده بوقلعه
نظام جدید عسکری سایه سنده قورتارلدی انکلیز
لرک یاردمیله فرانسرلر مصر دن چیقارلدی ایسه ده
کوکلو ضابطلرندن قواله لی محمد علی اغا نامنده
بر درایتلی ذات اوراده تغلب ایلدی وکنندوسنه
پاشاقله مصر والی کی ویرلدی .

عربستانده وهابیلر ویانیه طرفلر ننده تپه دلنلی
علی پاشا دولته سرکشک ایدرک غائله چیقاردیلر
وراحت یوزی کوریه مدی .

تغلب : حکومتی فضولی ضبط ایتک .

جنرال بوناپارٹ صکرہ فرانسه ایمپراطوری
 اولوب دولقزله کوزل کچنمک ایستہ دیکندن
 انکلتزه و روسیه ایله محاربه یه باشلادی انکلیز
 دونمائی صرصریه کیردی ایسه ده عودته مجبور
 اولدی و روسلرده خوتین و آقکرمان قلعه لرینی
 آلدیلر نظام جدیدک بو محاربه ده چوق فائده سی
 لدیسه ده یکیچریلرک ادبسنزلیکی آرتارق سلطان
 لیم حضر تلی ترک تخته مجبور اولدی و برسنه
 صکره ده وفات ایلدی .

— ۲ —

یکرمی طقوزنجی پادشاه دردنجی سلطان
 مصطفی بن سلطان حمید اول

دردنجی سلطان مصطفی برسنه حکومت
 مدرک طونه طرفلرنده بولسان بیراقدار مصطفی

پاشانک اردو ایله درس-مادته کلمسی و یکیچری
زوربارینک تربیه ایدلمسی اوزرینه ولی نعمت
پادشاهمزک بیوک پدرلری سلطان محمود خان
حضر تلری تخته جلوس ایلدی .

— ۳ —

اتوزنجی پادشاه ایکنجی سلطان محمود بن
سلطان عبدالحمید اول دوری

سلطان سلیم ثالثک اجراسنه موفق اوله مدینی
اصلاحاتی وجوده کتیرن سلطان محمود عدلی *
حضر تلری دولتمزک ایکنجی مؤسسای عد اوامقده
حقیدرلر .

بو حمیتی پادشاهک ایلك زمان سلطنتلری پک
بیوک قاریش-قلقلر ایچنده کچدی بیراقدار مصطفی
پاشا نظام جدید مقامنه سکبان نامیله عسکر یازمغه
عدلی : عدالتربنه مبنی سلطان محمود ناینگ محاصی .

باش-لادیغندن یکیچریلر ینہ ایاقلانوب اسکی
زوربالقلره باشلادیلر

روسیہ لیلرلہ ینہ محاربہ یہ باش-لایہ رق اوج
سنہ سوروب پروت ایرماغی حدود اولمق اوزره
بکرشت معاہدہ سی یاپلدی صربستانده قرہ یور-
کودیچ اسمندہ رینک اداره-سندہ اولہ رق بر
طاقم قاریشقلقلر وقوع بولوب نہایت اوراسی بر
بکاک حالنہ قوندی و وہابیہ-لرده مصر والیسی
محمد علی پاشا واسطہ-سیلہ تربیہ ایدلدی یانیہ
والیسی تپہ دلنلی علی پاشادہ قتل ایدیله رک اورالری
تحت اطاعتہ کیردی ایسہ-دہ مورہ-دہ و آطہ-لردہ کی
روملر فتنہ ایلہ-مشلر و اطہلر تربیہ ایدلہ-مشہ-دہ
مورہ فتنہ سی خیلی سورمشدہ .

دولتک بویله اک غائلہ لی وقتندہ یکیچریلر ینہ
ادبسنزلیکہ باشلادقلرندن ۱۲۴۱ سنہ سندہ بونلرک

اك زوربارلى قتل ايديلهرك اوجاغك ده وجودى
قالديرلدى و نظام جديد عسكرى شمدىكى حال
اوزره احداث وضابط و طيب يتشديرلك ايجون
مكتبلر كشاد ايدلدى .

اوروپاليلر يونانستانك استقلالنى تصديق
ايدوب نادرين ليانندهكى دونمازى حقسزيره
ياقديلر و روسيه دولتى دخى اعلان حرب ايدوب
نهايت بساراييانك روسيه يه ويرلمسى و تضمينات
حربيه اعطاسى شرطيله ادرنه معاهدهسى امضا
ايديلوب يونان قرالغى ده تصديق اولندى .

بو غائله لر بىترتمز مصر غائلهسى باشلايوب محمد
على پاشا دولته سر كشلك ايدرك سوريه يي ضبط
ايلدى و نزيب ده اردولرمزه غلبه ايله اناتولى يه
كيردى و فقط بو مغلوبيتك خبرى گلدن سلطان
محمود حضر تلىريك ارتحالى وقوع بولغله سلطنت

بیوک شہزادہ لری و والد ماجد حضرت شہریاری
سلطان عبدالمجیدہ قالدی .

— ۴ —

اوتوز برنجی پادشاہ سلطان عبدالمجید خان
بن سلطان محمود ثانی

سلطان عبدالمجید حضر تلی ۱۲۵۵ سنہ سنہ
اون سکز یاشندہ جلوس ایلدیلر وزمانلری دولتک
ترقیاتجہ پک مهم بر دور کشاد ایلدی .

ابتدای جلوسندہ اوروپا دولترلرینک توسطیلہ
مصر غائلہ سی بیتریلوب مصر ولایتی محمد علی پاشانک
اکبر * اولادینہ قالمق اوررہ ممتاز * بر ولایت
اولدی وچناق قلعہ ایلہ بوغاز ایچندن اجنبی حرب
کمیلرینک کچماسی ایچون معاہدہ امضالاندی
صدر اعظم بولسان مشہور مصطفی رشید پاشانک
ہمتیلہ دولت یکی بر اساسہ توفیقاً بیوک ترقیاتہ
والد پدر . - اکبر : اک بیوک . - مختار : امتازلی .

باشلادی از جمله جلوسك ايكنجی سنه سنده
تنظیمات خط هایونی نشر ایدیلهرک عدالته و شرعه
موافق بر چوق اصلاحاتك اساسی قورلدی .

• دولتمزك بو صورتله اوروپا دولترلی ایچنده
بیوک بر موقع طوتمه سنی چکه میان روسیه لیلر
۱۲۶۹ سنه سنده اعلان حرب ایلدیلر و سینه بده
دونما سزی یا قدیلر سه ده سلاستره محاصره سنده
موفق اوله مدیلر و اردولر مرز اولاحه کچوب
دولتمزله اتفاق ایدن فرانسه و انکلیز و ساردنیالیلرده
قریمده سیواستپول قلعه سنی ضبط ایلدیلر و نهایت
۱۲۷۳ سنه سنده پارس معاهده سی امضا ایدیلهرک
دواتمز دول معظمه دن معدود اولدی و بر خیلی
منافع قزاندلدی بوندن صکره روسیه نك تحریکیله
قره طاغده و دها بعض یرلرده فتنه لر وقوع بولوب
بونلر اطاعته انخال ایدلدی و حضرت پادشاهده

بوغوا ئل آره سنده قرق یاشنده ایکن وفات ایدرک برادر.
 لری سلطان عبدالعزیز خان جالس تخت حکومت اولدی
 سلطان عبدالعزیز خان حضر تلرینک اوز التی سنه
 سورن مدت سلطنتلرنده مر اصلاحاته اعتناودولتمزک
 برأ و بحرأ تزیید قواسنه * قدام ایدلدی ایسه ده امور
 مالیه نک زیاده سیله بورلمسی و روم ایلیده بر طاقم غائله
 ظهور ایللمسی رچوق مشکلات تولید ایللمشدی. که
 دولتک بوغوا ئلک نتایجندن استخلاص دده * ولی نعتمز
 پادشاهمنز افندمنز حضر تلرینک سایه معالیه وایه حضرت
 ظل اللهیلرنده موفقیت حاصل اولمشدر .

سلطان سلیم ثالث بدی نه ایدی ، روسیه ونمسه ایله محاربه
 فصل ییتدی ؟ نظام جدید نه ایدی ؟ فراسنزلر مصره نوقت
 کیردیلر ، عکا محاصره سی نه اولدی ؟ وهابی ونپه دئللی غائله لری
 نه ایدی ؟ انکلتزه و روسیه ایله محابه بدن باشلادی ؟ سلطان
 سلیم ثالث نه اولدی ؟ دردنجی سلطان مصطفی نقدر حکومت
 قوا: قوتلر تولید: طوغور مق. استخلاصی: قورتارلمسی.

ایتدی؟ بیراقدار مصطفی پاشا کیمدر ونه یایدی؟ سلطان محمود ثانی نوقت جلوس ایتدی؟ بیراقدار نه اولدی؟ بکراشت معاهده سی نصلدر؟ صرب عصیانندن نه نتیجه چیقدی؟ وهابیلر وتپه دئللی غائله سی نصل بترلدی؟ یکیکچریلر نصل قالدیرلدی؟ مصر غائله سی نه اولدی و سلطان محمود نوقت وفات ایلدی؟ موره عصیانندن نه نتیجه چیقدی و ادرنه معاهده سی احکامی نه ایدی؟ سلطان عبدالمجید خان نوقت جلوس ایلدی؟ مصر غائله سی نصل بیتدی؟ تنظیمات خیریه ندر؟ روسیه ایله محاربه ده نه اولدی؟ ودولتمزک متفقاری کیملردی؟ پارس معاهده سی نصلدی؟ قره طاغ و سوریه غوائلی نه اولدی؟ سلطان عبدالعزیز خان بقدر سلطنت ایتدی؟

حالا جالس تخت عثمانی ولی نعمت اعظم من غازی
سلطان عبدالحمید خان ثانی افند من حضر تلری سلطان
عبدالمجید خان حضر تلری صلبندن ۱۲۵۸ سنه سی
شعباننک اون آلتنجی چهارشنبه کونی تولد
بیورمشردر و ۱۲۹۳ سنه سی شعباننک اون برنجی
و ۱۲۹۲ سنه مالیه سی اغستوسنک اون طقوزنجی
کونی ارث واستحقاق ایله سریر آرای خلافت
و سلطنت اولمشردر .

دولتک اک غائله لی دورلرندن برنده مقام
سلطنته کلان سوکیلی پادشاهمز بو غوائل برر
صورتله تسویه و روسیه ایله ایدیلان بیوک محاربه.
نک آچدینغی یاره لری نداوی ایلدکنن صکره امور
مالیه نک دوزلمه سنه و قوای بریه و بحریه نک اکالنه
غیرت ، مکاتبک آرتمنه و مملکت اولادینک
اوقریوب یازوب نعم معارفدن مستفید اولملرینه
همتله جمله مزک مشفق ، مرحمتلی ، عالی جناب بر
پدرمز اولدقلرینی عالمه اثبات بیورمشلردر .

بیوک پادشاهمزده دائما متشکر اولمق دائما
دعاسنده بولمق و صداقتله خدمتنده بولغفه
چالشمق اک مقدس وظیفه مزدر .

پادشاهمز چوق یاشا

دعاسی بیوک کوچک هر عثمانلی نک وردزبانی اولملیدر .

انته

سلاطین عثمانیہ حضراتی جدولیدر

مدت سلطنت	ق	م	س	مدت عمر	شمار	نام
۷۰	۲۶	۷۲۶	-	۶۹۹	۱	غازی سلطان عثمان خان اول بن ارفعزل بن سلیمان شاه
۷۵	۳۵	۷۶۱	-	۷۲۶	۲	سلطان اورخان خان غازی بن سلطان عثمان اول
۶۵	۱۳۰	۷۹۱	-	۷۶۱	۳	خداوندکار سلطان مراد خان اول بن سلطان اورخان
۴۴	۰۳	۸۰۵	-	۷۹۱	۴	یلدیرم سلطان بایزید خان اول بن مراد خداوندکار
۴۳	۸	۸۲۴	-	۸۱۶	۵	چلبی سلطان محمد خان اول بن یلدیرم بایزید
۴۹	۰۶	۸۵۵	-	۸۲۴	۶	سلطان مراد خان ثانی بن چلبی سلطان محمد
۵۳	۲۱	۸۸۶	-	۸۵۵	۷	فاتح سلطان محمد خان ثانی بن سلطان مراد ثانی
۶۷	۲۲	۹۱۸	-	۸۸۶	۸	سلطان بایزید خان ثانی بن فاتح سلطان محمد
۵۱	۰۸	۹۲۶	-	۹۱۸	۹	باور سلطان سلیم خان اول بن سلطان بایزید ثانی
۷۴	۴۸	۹۷۴	-	۹۲۶	۱۰	قاسمی سلطان سلیمان خان اول بن باور سلطان سلیم
۵۳	۰۶	۹۸۲	-	۹۷۴	۱۱	سلطان سلیم خان ثانی بن سلطان سلیمان قاسمی
۵۰	۰۸	۱۰۰۳	-	۹۸۲	۱۲	سلطان مراد خان ثالث بن سلطان سلیم ثانی
۳۸	۰۲	۱۰۱۴	-	۱۰۰۳	۱۳	سلطان محمد خان ثالث بن سلطان مراد ثالث
۲۸	۱۴	۱۰۲۶	-	۱۰۱۴	۱۴	سلطان احمد خان اول بن سلطان محمد ثالث
۴۷	۰۴	۱۰۲۷	-	۱۰۲۶	۱۵	سلطان مصطفی خان اول بن سلطان محمد ثالث
۱۸	۰۴	۱۰۳۱	-	۱۰۲۷	۱۶	سلطان عثمان خان ثانی بن سلطان احمد اول
-	۰۴	۱۰۳۲	-	۱۰۳۱	-	ایکجی دفعہ سلطان مصطفی
۳۱	۱۱	۱۰۳۹	-	۱۰۳۲	۱۷	سلطان مراد خان رابع بن سلطان احمد اول
۳۴	۰۸	۱۰۵۸	-	۱۰۳۹	۱۸	سلطان ابراہیم خان اول بن سلطان احمد اول
۵۳	۰۵	۱۰۹۹	-	۱۰۵۸	۱۹	آوی سلطان محمد خان رابع بن سلطان ابراہیم
۵۰	۰۹	۱۱۰۲	-	۱۰۹۹	۲۰	سلطان سلیمان خان ثانی بن سلطان ابراہیم
۵۴	۰۹	۱۱۰۶	-	۱۱۰۲	۲۱	سلطان احمد خان ثانی بن سلطان ابراہیم
۴۱	۱۰	۱۱۱۵	-	۱۱۰۶	۲۲	سلطان مصطفی خان ثانی بن آوی سلطان محمد
۶۵	۱۱	۱۱۲۳	-	۱۱۱۵	۲۳	سلطان احمد خان ثالث بن آوی سلطان محمد
۶۰	۱۱	۱۱۶۸	-	۱۱۲۳	۲۴	سلطان محمود خان اول بن سلطان مصطفی خان ثانی
۶۱	۰۳	۱۱۷۱	-	۱۱۶۸	۲۵	سلطان عثمان خان ثالث بن سلطان مصطفی خان ثانی
۵۸	۰۹	۱۱۸۷	-	۱۱۷۱	۲۶	سلطان مصطفی خان ثالث بن سلطان احمد خان ثالث
۶۶	۰۸	۱۲۰۳	-	۱۱۸۷	۲۷	سلطان عبدالحمید خان اول بن سلطان احمد خان ثالث
۴۸	۰۹	۱۲۲۴	-	۱۲۰۳	۲۸	سلطان سلیم خان ثالث بن سلطان مصطفی خان ثالث
۳۰	۰۳	۱۲۴۳	-	۱۲۲۴	۲۹	سلطان مصطفی خان رابع بن سلطان حمید اول
۵۵	۱۰	۱۲۵۵	-	۱۲۴۳	۳۰	عدلی سلطان محمود خان ثانی بن سلطان حمید اول
۴۰	۰۸	۱۲۷۷	-	۱۲۵۵	۳۱	سلطان عبدالحمید خان بن سلطان محمود عدلی
۴۸	۰۵	۱۲۹۴	-	۱۲۷۷	۳۲	سلطان عبدالعزیز خان بن سلطان محمود عدلی

